

Idi oojai ooji Paavora

Λvaavoitudadami EfeesiΛra oidacami

1 ¹ Aana ΛrPaavora dai ganoojidi aana aapima EfeesiΛra oidacami ismaacada vaavoitudai Suusi Cristo. Aapima ΛrDiuusi Λcovai vuvaidada. Aana Λrootosada Suusi Cristo. Diuusi ipali cascada. ² Aana ipalidi isDiuusi garooga Λmadu Suusi Cristo gartlaanadamiga cΛgacara gannijadagi dai ganiibastudacan tadacagi.

³ Diuusi ivueeyi naana maasi cacagaducami aatama garvΛlata. Ootoi Λgai Suusi Cristo sai Λgai garΛmadu daacana dai sai Λgai garoigaldiña garsoimaascamiga dai cΛgacara garvuvaidiña dai garmaacana gΛguvucadaga vai poduucai Λgai bai garvueeyi tΛsai iimana tavaagiamu. VΛsi gomaasicada aana ipalidi isvΛsi vaavoitudadami aliΛsi baiganliadagi Diuusicada dai cΛga ñioocadagi Diuusi vui. Agai Λroogada Suusi Cristo gartlaanadamiga. ⁴ Diuusi Λcovai garvuvaitu maiquiaa iduucai oidigi abiaadara. Daida garnalidi ducami siCristo garΛmadu daacagi. Suusi Cristo muuquia aagaitadai curusiaba tΛsai aatama cΛgacara vuvacana dai vuidara guuquivana Diuusi maigpilar vΛlatacatali garoigaldacai Suusi Cristo garsoimaascamiga. Dai poduucai casi Λrducamicana istomali Λmo imidagai maisoimaasi ivuaadamudai.

⁵ AliΛsi garoigadai Diuusi cascada Λqui abiaadara ipali tΛsaidΛ armaamaradΛcana aatama cΛgacara garvuvaidacai Suusi Cristo. Diuusi poduucai ipali cascada. ⁶ Dai cascada aliΛ siaa duutudai aatama Diuusi dai cΛga ñioocai Λgai vui. CΛΛ maata aatama isDiuusi saalicada cΛΛ tuiga cΛgacara garnaliditali Λgai siΛscada Λma duucai gartatagitua aatama dai camaisoimaasi ivuaadagi vaavoitudacai Diuusi marada Suusi Cristo. Diuusi saalicada oigadai Λgai. ⁷ Dai Diuusi saalicada cΛΛ tuiga cΛgacara garnaliditali cascada ootoi gamara sai Λgai muucuna curusiaba sai poduucai cΛgacara garvuvaidiana dai garoigaldana garsoimaascamiga. ⁸ Diuusi saalicada garoigadai cascada garsoicai iscΛga maata cacagai aatama vΛsi ñiooquida dai cΛga maatacagi isducatali glaagai isoidacagi. ⁹ Dai Diuusi garmaatutuli istumaasi iduñia alidi Λgai istumaasi maimaatacatadai oodami Λquioma. ¹⁰ VΛsi povaduñimu isducatali Λgai ipalidi. Cascada ootoi Diuusi gamara oidi daama sai Λgai Λrcristocana daida ΛrcΛgacara vuviadamicana. Dai siΛscada Λpaduñiagi vΛsi istumaasi Diuusi ipalidi siΛpaduñiagi amaasi Cristo gataanadamu tavaagiara dai oidigi daama.

¹¹⁻¹² Aatama vaavoitudai Suusi Cristo dai Λquioma Diuusi Λcovai garvuvaitu daida Λroida agai istumaasi oidi Λgai Λvaavoitudadami. VΛsi gomaasi Λpaduñia agai poduucai isduucai ipalidi Diuusi. Diuusi ivueeyi istumaasi Λgai pollidi iscΛgadu. Poduucai idui Diuusi vaidΛ aatama Λjudidíu ismaacada Λpaga vaavoitu Cristo cΛgacara oidacana

vai poduucái cλλga ñioocadagi oodami Diuusi vui. ¹³ Dai aapimλ vλλsi ismaacλdλ maitarjudidíu caλ añiooqui ismaacλdλ λrvaavoi daidλ λrcλλgaducami sai Diuusi cλλgacλrλ vuvaidi tomasioora sioora vaavoitudagi Suusi Cristo. Dai aapimλ vaavoitu Suusi Cristo. Dai Diuusi ootoi gaibadaga sai ganλλmadu daacana poduucái isduucái aagai λgai. Dai poduucái cλλga gamaata isaatamλ λrmaamarada Diuusi. ¹⁴ Poduucái cλλ maata aatamλ λλmadu aapimλ isDiuusi garmaaqi agai vλλscatai vλλsi istumaasi agai. Vai vλλsi gomaasicada siaa duutuadagi dai cλλga ñioocadagi oodami Diuusi vui. Agai alia cλλ tuiga cascada.

¹⁵ Aana cajioma sai cλλga vaavoitudai aapimλ Suusi Cristo dai saallicada oigadai aapimλ aa vaavoitudadami. ¹⁶ Cascada alia baigiñalidi aana Diuusi vui aapimλcλdλ gantatagitoitai siuu duucu daanadagi aana Diuusi sai gansoicliña. ¹⁷⁻¹⁸ Siaa duutuada aana Diuusi Suusi Cristo gartaanλdamiga oogada. Agai λgai dai aliasi glaagai isvλλsi oodami siaa duutuadagi. Dai daanλi aana Diuusi sai λgai gansoñana iscλλga maata caλca aapimλ Diuusi ñiooquida daidλ vaamioma maatacagi istumaasi Diuusi ipλlidi ismaataca aapimλ. Vai poduucái maatacagi aapimλ vλλsi istumaasi Diuusi maatatuldia λlidi sioora vaavoitudai Suusi Cristo ismaacλdλ Diuusi λcovai vuvaitu. Dai ismaatcagi aapimλ λrλ siaa cλcλλgaducami istumaasi Diuusi maacai vaavoitudadami, ¹⁹ dai isDiuusi alia viaa guvucadagai dai isλgai garsoicai aatamλ vaavoitudadami gλguvucadagacada. Dai gλguvucadagacada ²⁰ Diuusi duaacali Cristo coidada saagidiañdλrλ dai gλabaana saalisa padλrλ daí tavaagiλrλ. ²¹ Dai maa guvucadagai sai vaamioma gataañliña sitomas tuma saallicami viaacami vλλsi oidigi daama sivi dai tomastuigaco. ²² Vλλscatai glaagai isλλgiadagi Cristo. Dai Diuusi maa saallicami saidλ λrbaitacλaacamigadλcana vλλsi vaavoitudadami. ²³ Daidλ vλλsi vaavoitudadami λλmadu Cristo λrλmo adunumλ ganducami. Dai Cristo λλmadu daacana vλλsi vaavoitudadami poduucái istutuidi vaavoitudadami iscλλgacλrλ oidacagi.

2 ¹ λλquioma Diuusi maitanλλmadu daacatadai alia soimaasi ivuaadana aapimλ cascada. Damos sivi Diuusi casi ganmaa ibadagai utudui masai cλλgacλrλ oidacana aapimλ poduucái isduucái λgai ipλlidi. ² λλquioma λpan duucái oidacatadai aapimλ aa oodami, daidλ ivuaadana istumaasi λDiaavora ipλlidiña. λDiaavora λgai dai gataañλi oidigi daama, dai soimaasi iduiñtuldi ismaacλdλ maiλλgiadagi Diuusi. ³ Vλλscatai aatamλ poduucái oidacatadai λλquioma ivuaadana istumaasi ipλlidiña dai istumaasi oojoidiña aatamλ dai istumaasi tatagitoiña aatamλ. Cascada glaagaitadai isDiuusi soimaasi gartaatatuldiagi λpan duucái aa ismaacλdλ maivaavoitudai Suusi Cristo. ⁴ Damos Diuusi aliasi garoigadai dai soigλλli aatamλcλdλ. ⁵ Cascada aidasi Diuusi maigλrλλmadu daacatadai, quiaa soimaasi ivuaadana aatamλ, amaasi Diuusi garmaa ibadaga utudui vaavoitudacai

aatama Suusi Cristo. Diuusi duaacali Cristo coidada saagidaiñdara sai apamu oidacana dai Diuusi garmaa ibadaga utudui Suusi Cristo diviacai sai garlamadu daacana. Diuusi soigali aapimacada cascada calgacara gamvuvaitu. ⁶ Diuusi duaacali Suusi dai glabaana dai sallisa padara tavaagiara. Dai lalquioma Diuusi maigaramadu daacata dai damos sivi garmaa ibadagai utudui dai garmaa sallicami tsai abaana daraajana tavaagiara silascada coiyagi Suusi Cristo garlamadu daaca cascada. ⁷ Dai poduucal Diuusi gatatagidi valscara isalia cal tuiga agai garvui dai issallicada calgacara garnidi vaavoitudacai aatama Suusi Cristo. ⁸ Diuusi calgacara vuvaidi oodami maisiu calga oidacatai agai. Baiyoma Diuusi calgacara nidi oodami vaavoitudacai agai Suusi Cristo. Gomaasi mailagi ivueeyi oodami Diuusi agai daida ivueeyi. ⁹ Cascada maitaagai isgarducada ganliadagi oodami. ¹⁰ Dai Diuusi agai daida garmaa ibadagai utudui ismaacada vaavoitudai Suusi Cristo sai calgacara oidacana. Poduucal isduucal Diuusi ipali lalquioma abiaadara.

¹¹ Aapima maitarjudidí, gandada maitarjudidí cascada. Ajudidí iquitacal ganmaamara calali tuucugada cascada iquitaquicada ganaagaiña agai aipacoga. Dai aapima ismaacada maiiquitaquicada ganaagaiña agai. ¹² Gantagitovurai aapima isalquioma maivaavoitudaiña Cristo dai aapima maitaraadunicatadai ajudidí dai maimaatacata dai aapima istumaasi agidi Diuusi saida iduñi agaitadai agai valtara. Aapima maiñanaracata dai isiimiagi Diuusi lamadu silascada coiyagi tomali Diuusi maitanlamadu daacata dai. ¹³ Lalquioma maivaavoitudaiña aapima Diuusi tomali maidaaniña aapima agai sai gansoicaiña damos sivi vaavoitudai aapima Diuusi dai daanai sai gansoicaiña vai agai gansoicai vaavoitudaitai aapima Suusi Cristo. Agai muu curusiaba dai aasi larada vai poduucal tomasioora istutuidi isarmaamaradacagi Diuusi. ¹⁴ Judidí viaacata dai gansallicamiga sai lalgi agai istutuidi isarmaamaradacagi Diuusi. Cascada judidí dai ismaacada maitarjudidí lalquioma argansasaayumacana dai aidasi divia Cristo bai dui sai camaitargansasaayumacana sai baiyoma ramo adunuma ducamicana. ¹⁵ Aidasi abiaadara muu Suusi Cristo curusiaba camaiñamaga sallicamigada ajudidí cascada casi istutuidi ajudidí lamadu ismaacada maitarjudidí isganaadunuma ganducamicagi Suusi Cristo garlamadu daacatai. Poduucal Cristo bai dui sai camaitargansasaayumacana. ¹⁶ Aidasi abiaadara muu Suusi Cristo curusiaba tomasioorai istutuidi iscalgacara vuvaiquiagi vaavoitudacai agai. Poduucal Suusi Cristo bai dui ajudidí lamada ismaacada maitarjudidí sai camai vuvai valtacana Diuusi dai sai camaitancocodaiña agai aipacoga.

¹⁷ Suusi Cristo divia dai aipacoga gaaagidi naana maasi calcalgaducami silasi aapima ismaacada maivaavoitudaiña Diuusi

acaasi ajudidíu ismaacada cavaavoitudaiña Diuusi masai camai vui vaatacana Diuusi ¹⁸ vaavoitudacai Suusi Cristo. Diuusi Ibaada garsoicai tasai vaavoitudana aatama Suusi Cristo dai poduucai casi istutuidi ajudidíu amadu amaitarjudidíu isdaanadagi Diuusi sai soicaiña. ¹⁹ Poduucai aapima camaitarsibaadara oidacami ganducami baiyoma aapima amadu vasi vaavoitudadami aramo adunuma ganducami. Vascatai arDiuusi maamarada cascada. ²⁰ Diuusi ñiñoquituldiadamigada dai Cristo dai oojotosada Cristo aagai Diuusi ñioquida poduucai mai aapima. Dai vascatai ismaacada gamamaatutuli Cristo arbaatacaacamigada. ²¹⁻²² Dai vascatai ismaacada vaavoitudai Suusi Cristo aramo siagama ganducami. Poduucai idui Diuusi vai Diuusi Ibaada diviagi dai garlamadu daacagi. Dai Diuusi acovai garvuvaitu dai Diuusi Ibaada garlamadu daja dai garsoicai isvaamioma caga oidacagi dai vaamioma maata cacagi Diuusi ñioquida.

3 ¹ Vasi gomaasicada aana Paavora gandaani masai cacagara oidacana. Aana ganaagidiña aapima ismaacada maitarjudidíu isSuusi Cristo arcacagara vuviadami cascada maisapi aana. ² Aapima camaata lien isDiuusi giñaagidi sai ganaagidana aana sai Diuusi cacagara vuvaidi ara ismaacada maitarjudidíu. Gomaasi aramo samicami ismaacada Diuusi giñmaa. Diuusi cacagara gannaidi aapima cascada. ³ Aana ganoojidi chilqui ñioquicada daida ganaagidi isducatai Diuusi giñaagidi amo istumaasi istumaasi lquioma lagi Diuusi maatacatadai. ⁴ Siascada nada aapima idi ojai maatamu aapima iscamaata aana istumaasi lquioma lagi Diuusi maatacatadai sai Cristo iduñia agai amo istumaasi. ⁵ Lquioma Diuusi maiagidi gomaasi tomali amaadutai damos sivi Diuusi Ibaada aagidi oootosada Suusi Cristo ismaacadara Diuusi ñiñoquituldiadamigada ismaacada Diuusi acovai vuvaitu. ⁶ Dai pocaiti sai ismaacada maitarjudidíu viaaca agai apan duucai judidíu istumaasi Diuusi maaqui agai vaavoitudadami vaavoitudacai agai Suusi Cristo. Ajudidíu dai ismaacada maitarjudidíu amo adunuma ganducami dai vasi istumaasi Diuusi aagidi judidíu sai iduñi agai vaavoitudacai agai Suusi Cristo sivi arismaacada maitarjudidíu vaatarara ara. ⁷ Diuusi giñmaa samicami ansaida ganaagidiña idi ñioqui sai Suusi Cristo arcacagara vuviadami. Aana maical tuigacana damos vascara Diuusi cacagara giñnaidi daida giñmaa gaguvucadaga sai ganaagidiña aana ñioquida. ⁸ Aana polidi issioma maiñamaga aana isvasi vaavoitudadami damos Diuusi giñmaa samicami sai aagidiña aana ismaacada maitarjudidíu sai Suusi Cristo cacagara vuvaidi oodami daida ivueeyi mui naana maasi vaavoitudadami vaatarara. Tomali amaadutai maitistutuidi ismaatiagi vasi istumaasi ivueeyi Cristo vaavoitudadami vaatarara. ⁹ Dai Diuusi giñaagidi ansai aagidana aana vasi oodami istumaasi Diuusi iduñia

Alidi alquioma abiaadara istumaasi tomali amaadutai maimaatacata dai. Diuusi idui vallasacatai. ¹⁰ Poduucai aradi vai najadagi Diuusi tataañicaruda ismaacada taanai tavaagiaru istumaasi ivueeyi Diuusi vaavoitudadami valtara sai poduucai maatana Diuusi tataañicaruda sila saituduga Diuusi. ¹¹ Vlassi gomaasi aradi poduucai isduucai lagi tatagitoña tomastuigaco daida idui lagi isducatai aagai ootosacai Suusi Cristo oidigi daama. ¹² Dai vaavoitudai aatama Suusi Cristo cascada viaa aatama samicami isdaanadagi Diuusi sai garsoicaiña vaavoitudaitai isagai garca. ¹³ Cascada gandaanai aana masai maivuaam analidiña soimaa taatacatai aana. Aana aagidi Diuusi ñooquida aapima ismaacada maitarjudidíu cascada soimaa taataca aana. Dai aapima glaagai istatagitodagi silasi ganoigadai aana cascada alia baigiñalidi soimaa taatacatai aana aapimacada.

¹⁴ Cascada siaa duutudai aana oogada Suusi Cristo gartaanadamiga. ¹⁵ Diuusi idui vallasacatai. Idui lagi oodami oidigi daama daida idui lagi gatataañicaru tavaagiaru. Vlassi aramo oodami garducami aatama cascada garoga aagaiña aatama. ¹⁶ Diuusi samicada viaa guvucadagai. Dai daanai aana Diuusi sai lagi ganmaacana guvucadagai ganiibadagara vai poduucai vaamioma calga tutiacana aapima, Diuusi Ibaada ganlamadu daja cascada. ¹⁷ Dai daanai aana Diuusi sai Cristo ganlamadu daacana vaavoitudaitai aapima lagi vai poduucai vaamioma calga oigada aapima aa oodami. ¹⁸⁻¹⁹ Dai daanai aana Diuusi masai aapima lamadu vlassi vaavoitudadami maatana silasi garoigadai Suusi Cristo tomasi maitistutuidi aatama ismaatiagi vlassi silasi garoigadai lagi. Dai daanai aana Diuusi sai lagi ganlamadu daacana dai sai aapima oidacana isducatai Diuusi ipalidi.

²⁰ Samicada viaa guvucadagai Diuusi dai lagi garlamadu daja. Daida garsoicai isivuaada aatama istumaasi lagi ipalidi. Dai lagi calga istutuidi isivuaadagi vlassi istumaasi aagiada aatama dai istumaasi tatagitodagi aatama dai asta vaamioma istutuidi lagi isivuaadagi. ²¹ Aana ipalidi sai vlassi oodami calga maata isca tuiga Diuusi naiditai istumaasi ivueeyi lagi vaavoitudadami valtara dai maatacatai istumaasi ivuaadana Suusi Cristo.

4 ¹ Cascada gandaanai aana aapima masai calgacaru oidacana aapima tomasi maisapi aana vaavoitudaitai Suusi Cristo gartaanadamiga. Dai gandaanai aana masai calgacaru oidacana isducatai glaagai isoidacagi Diuusi lco vuvaidada. Aapima arDiuusi lco vuvaidada cascada. ² Maitavar gargarducada ganliada dai calgavar tuutiaca dai maitavar bacocoda dai mosnajiada istumaasi ganvuidadagi aa dai ganoigadavurai aipacoga. ³ Amo tagitoidagai avar viaaca calgacaru ganaiditai aipacoga, Diuusi Ibaada gansoicai cascada. ⁴ Dai vlassi vaavoitudadami aramo adunuma ducami dai vallasacatai viaa lagi vaa Diuusi Ibaada. Dai Diuusi lco vuvaitu vlassi vaavoitudadami dai

maatΛ aatΛmΛ isΛmo imidagai iimia ragai Diuusi ΛΛmadu dai tomastuigaco ΛΛmadu daraaja ragai. ⁵ MosaliΛ Λmaduga gartΛaanΛdamiga, vΛascatai aatΛmΛ vaavoitudadami Λmadugan duuca i vaavoitudai, dai mosΛmadugan duuca i garvapaconai aatΛmΛ, ⁶ mosΛmaduga Diuusi garooga dai Λgai ΛrbaitΛcΛaacamigadΛ vΛascatai dai garΛΛmadu daja dai garnΛiditai ismaacΛdΛ maivaavoitudai istutuidi ismaatiagi isDiuusi aliΛ viaa guvucadagai.

⁷ Cristo garmaacai guvucadagai vΛascatai ΛΛmadutai saidΛ ivuaadana Λmo istumaasi poduucai isduucai Λgai ipΛlidi. ⁸ CascΛdΛ pocaiti Diuusi ñiooquidΛrΛ:

TΛsadΛcai Cristo tΛvaagiamu gamaata isvaamioma istui Λgai isΛDiaavora.

CascΛdΛ ΛDiaavora camaitistutuidi iscucupadagi vaavoitudadami iibΛadΛ.

Dai gotorΛ Cristo maa guvucadagai vaavoitudadami. Pocaiti Diuusi ñiooquidΛrΛ.

⁹⁻¹⁰ Capocaititai Diuusi ñiooquidΛrΛ isSuusi Cristo tΛsai tΛvaagiamu poduucai cΛga gamaata isΛpΛga tΛvai tΛvaagiaiñdΛrΛ dai divia tami oidigi daama. TΛsai Cristo siaaco vaamioma tΛcavaga tΛvaagiΛrΛ, dai sivi tomasiaacoga daja Λgai. ¹¹ Dai Cristo maa guvucadagai vΛascatai ΛΛmadutai vaavoitudadami saidΛ ivuaadana Λmo istumaasi. ΛΛmoco maa Λgai guvucadagai saidΛ ΛroojotosadΛcana, dai aa saidΛ ΛrDiuusi ñiñiooquituldiadamigadΛcana, dai aa sai aagidiña oodami ismaacΛdΛ maiquiaa caΛ isSuusi Cristo ΛrcΛΛgacΛrΛ vuviadami sai Suusi Cristo ΛrcΛΛgacΛrΛ vuviadami, dai aa saidΛ Λrvaavoitudadami tΛtΛaanΛdamigadΛcana, dai aa saidΛ Λrvaavoitudadami mamaatΛtuldiadamigadΛcana. ¹² Poduucai bai dui Suusi Cristo Λgai saidΛ ivuaadana Diuusi aa duiñdadΛ vai poduucai vaavoitudadami vaamioma cΛga oidacana dai vaamioma cΛga vaavoitudana Diuusi ñiooquidΛ. ¹³ Vai poduucai vΛascatai aatΛmΛ Λmaduga mΛsi vaavoitudaiña dai Λmaduga mΛsi maatΛna aatΛmΛ mamaatΛtuldiaragadΛ Suusi Cristo. Dai poduucai aatΛmΛ vaavoitudadami bΛiyagi tΛgitoidagai daidΛ ivuaadagi istumaasi Diuusi ipΛlidi, asta siΛsca cΛga oidaca aatΛmΛ isducatai oidacata dai Suusi Cristo. ¹⁴ Dai poduucai camaiΛpan ducamicamu aatΛmΛ aali ismaacΛdΛ tomasioora vupuiirumadai aagiditai Λma maasi vaavoidaragai. Dai camaitistutiadamu oodami sastuduacami isgarvupuiirumadadagi gamamaatΛtuldiaragacΛdΛ ismaacΛdΛ maitΛrvaavoi. ¹⁵ Baiyoma aatΛmΛ aagadagi mosΛΛgi istumaasi Λrvaavoi poduucai glaagai isbΛiyagi tΛgitoidagai daidΛ ivuaadagi istumaasi Cristo ipΛlidi garoigΛdaitai aatΛmΛ aipacoga. AatΛmΛ Λmo adunumΛ garducami dai Suusi Cristo ΛrgartΛaanΛdamiga. ¹⁶ Dai Λgai garsoicΛi gΛguvucadagacΛdΛ iscΛΛgacΛrΛ garnΛijadagi aatΛmΛ aipacoga daidΛ iscΛΛga ivuaada aatΛmΛ istumaasi

Agai ipalidi dai poduucai vaamioma cllaga oidacamu aatama gairoigadaitai aipacoga.

¹⁷ Aana gnaagidi istumaasi giñaagidi Suusi Cristo. Agai pocaiti masai camaioidacana aapima isducatai oidaca agai ismaacada maivaavoitudai Diuusi. Agai tatagitoidada maisoicai isclagacara oidacagi. ¹⁸ Agai alia soimaasi ivueeyi cascada maitistutuidi isclaga tatagitodagi. Dai agai gajiaadara viaa Diuusi maitipaliditai istatagitodagi Diuusi cascada camaitistutuidi agai istatagitodagi Diuusi cascada maiviaa agai ibadagai utudui ismaacada gamaacai Diuusi. ¹⁹ Dai camaisiaa lara isgoogosi ganducamicagi baiyoma baiganalidina pomaasi ivuaadatai. ²⁰⁻²¹ Aidasi cajioma aapima isSuusi Cristo arclagacara vuviadami dai mai aapima isducatai oidacatai agai dai isducatai gamamaatutulidina agai poduucai mai aapima istumaasi arvaavoi. Poduucai mai aapima sai maitaagai isapan duucai oidacagi amaivaavoitudadami. ²² Casiavar maioidaca isducatai oidacatai aapima maiquiaa vaavoitudacai Suusi Cristo. Llaquioma ladiaavora ganvupuiirumadaina cascada aapima polidina sai vaamioma sioma oidacana soimaasi ivuaadatai.

²³ Baiyoma gandagitovurai vai Diuusi ama duucai gantatagitoitulidina vai camaitatagitoda aapima isducatai tatagitoina llaquioma baiyoma tatagitoda aapima isducatai Diuusi ipalidi. ²⁴ Dai viaacamu aapima ibadaga utudai ismaacada gamaacai Diuusi vai poduucai clagacara gannlijadamu aapima aipacoga poduucai isduucai Diuusi clagacara gannlidi dai lliadamu aapima Diuusi poduucai isduucai Diuusi ipalidi.

²⁵ Cascada casiavar maiyaatavoaca, aatama amo adunuma garducami cascada.

²⁶ Isbaamuagi amaadutai aapima maitavar soimaasi ivuaada dai maitaagai isamo tasai baamuca agai ²⁷ poduucai istutuidi ladiaavora issoimaasi iduiñtuldiagi cascada.

²⁸ Ismaacada lasivuacatai camaitaagai islasivuacagi baiyoma glaagai isgaaata vaaadagi dai poduucai viaacagi istumaasi oidadagi soituutuigami.

²⁹ Maitavar sigalnaasi ñiooqui aagada baiyomavar cllaga ñioocada vai poduucai soora gancaacagi clagacara oidacana dai baiganalidina.

³⁰ Dai poduucai maisoialiatudai aapima Diuusi Ibadada. Ducami isdaasamudai Diuusi Ibadada gatpacaru vai poduucai gamaata isamo imidagai iimi agai aapima tavaagiamu dai tomastuigaco Diuusi lamadu daraajamu.

³¹ Maitavar oomaliaca, maitavar bacocoda, maitavar gancocoda, maitavar sigalnaasi ñiooqui aagada, maitavar vui ñioocada aa, dai gajiaadara viaa vlassi soimaascami. ³² Baiyomavar cll tuutiaca dai clagacara gannlijada aipacoga dai ganoigaldadavurai aipacoga

poduucái isduucái Diuusi ganoigali aapimá vaavoitudaitai aapimá Suusi Cristo.

5 ¹ Aapimá arDiuusi garooga maamarada dai agai sállicada ganoiglada. Cascada avár apan duucái ivuaada aapimá agai. ² Ganoigladavurai aipacoga poduucái isduucái Cristo garoigldai cascada gamuaatu curusiaba sai poduucái Diuusi gaoigaldiña gasoimaascamiga. Dai Diuusi baigalidi Suusi Cristocada poduucái iduucái agai. Ajudidíu coodaiña cañiru maamarada amo altar daama dai dadaasdiña Diuusi sai agai oigaldiana soimaascamigada. Istumaasi idui Cristo arapan ducami isducatai ivuaadana ajudidíu. ³ Aapimá casi arDiuusi maamarada cascada maitlaagai masgoogosi ganducamicagi tomali maiaagadagi gomaasi tomali maitlaagai mascoimudada tuutiacagi. ⁴ Dai maitlaagai isaagadagi gosoimaascami dai maitlaagai isvupuiiruga maasi ñioocada gomaasi maitarcalagai isaagadagi. Baiyoma glaagai isbaigaraliadagi Diuusicada. ⁵ Caa maata aapimá sai ismaacada googosi ganducami maiimia agai siaaco gataañai Cristo amadu Diuusi. Dai ismaacada coimudada tuutuiga, aga arapan duucami ismaacada siaa duutudai amomono, agai maiimia agai siaaco gataañai Cristo amadu Diuusi. ⁶ Dai Diuusi sállicada soimaa taatuldiamu ismaacada pomaasi ivueeyi. Agai mailagidi Diuusi cascada. Diuusi maitavar gandadagitoda isganvupuiirumadadagi aa ganaagiditai sai maitarvaavoi istumaasi ganaagidi aaná. ⁷ Maitavar urapacada soora pocaitadagi. ⁸ Aaquroma aapimá maimaatatadai Diuusi ñiooquida dai alia soimaasi ivuaadana. Damos sivi cavaavoitudai aapimá Suusi Cristo dai maata Diuusi ñiooquida cascada glaagai mascalgacara oidacagi poduucái isduucái Diuusi ipalidi. ⁹ Ismaacada maata dai lagidi Diuusi ñiooquida agai gia caa tuutuiga dai calgacara naidi aa oodami dai agai vaavoitudai sai vlassi istumaasi aagai Diuusi ñiooquidara arvaavoi dai lagidi. ¹⁰ Ganajagladavurai ismaatiagi vlassi istumaasi baiilidi Diuusi. ¹¹ Maitavar urapacada ismaacada soimaasi ivueeyi agai ivueeyi istumaasi maitarsoiñi dai aapimá maitlaagai ispomaasi ivuaadagi. Baiyomavar aagiada aapimá agai sai soimaasi ivueeyi. ¹² Aliasí arsiaa araragai isaagadagi istumaasi ivueeyi agai astocai. ¹³ Dai silascada aagiadagi aapimá asoimaasi ivuaadami sai alia soimaasi ivueeyi, dai silascada naijadagi agai vaavoitudadami iscalgacara oidaga, aida gia maatamu agai issállicada soimaasi ivueeyi dai calga istutuidi isama duucái gantatagituagi. ¹⁴ Cascada pocaiti Diuusi ñiooquidara:
 Ismaacada maimaata Diuusi ñiooquida dai ismaacada soimaasi ivueeyi,
 lagiditai avár calca Diuusi ñiooquida
 dai vaavoituda siCristo calgacara ganvuvaidamu.
 Ascaiti Diuusi ñiooquidara.

¹⁵ Cascada cʼagacʼra avʼar oidaca. Maitavʼar ʼpan duucaí oidaca ismaacada maimaata Diuusi ñiooquida baiyomavʼar oidaca ʼpan duucaí sastuducami ismaacada maata Diuusi ñiooquida. ¹⁶ Ganaagavurai dai cʼagacʼra oidaca sʼallicada soimaasi ivueeyi aa oodami ismaacada maivaavoitudai Diuusi cascada. ¹⁷ Maitavʼar vupuiiruaca. Ganaajagʼadavurai ismaatiagi istumaasi Diuusi ipʼalidi isivuaada aapima. ¹⁸ Maitavʼar navacorada. Ismaacada navacorai aliʼasi soimaasi ivueeyi. Baiyomavʼar dagito Diuusi Ibaada vai ʼgai gʼansoiñana iscʼaga tatʼagitoda aapima. ¹⁹ Siʼascada gʼandaiviada aapima aipacoga gʼlaagai isganadagi Diuusi naidada sʼallicada siaa duutudaitai Diuusi. ²⁰ Vʼlascara avʼar baiganaliada Diuusi gʼarogacada vʼlasi istumaasicada. Daidavʼar tagituda isDiuusi gʼaroga gʼarcaaca vaavoitudaitai aatama Suusi Cristo. ²¹ Gʼansoicʼadavurai aipacoga, dai vuudavurai ñiooqui ismaacada ganmaacadagi aa vaavoitudadami, dai cʼagavʼar gʼantʼagito caaca isducatai ganmamaatʼatuldiadagi aa vaavoitudadami. Aapima siaa duutudai Cristo cascada.

²² Ooqui gʼlaagai isʼlʼgiadagi gʼancuucuna poduucái isduucái ʼlgidi ʼgai gʼartʼaanʼdamiga Suusi Cristo. ²³ ʼcʼalli ʼgai dai tʼaanai gʼlooñiga poduucái isduucái Suusi Cristo tʼaanai vʼlasi vaavoitudadami. Suusi Cristo cʼagacʼra vuvaitu ʼvaavoitudadami daida ʼvaavoitudadami aaduñda ganducami Suusi Cristo. ²⁴ Poduucái isduucái ʼvaavoitudadami ʼlgidi Suusi Cristo ooqui gʼlaagai isʼlʼgiadagi gʼancuucuna vʼlasi istumaasi tʼaanadagi cuucunada.

²⁵ ʼcʼalli gʼlaagai isoigʼadagi gʼanooñiga poduucái isduucái Cristo oigʼadai ʼvaavoitudadami dai muu curusiaba sai ʼgai cʼagacʼra vuvacana ²⁶ saida ʼvaavoitudadami camaisoimaasi ivuaadana baiyoma ivuaadana Diuusi aa duiñdada. Cristo oigʼali soimaascamigada vaavoitudacái ʼgai Diuusi ñiooquida sai poduucái camaigʼariar vʼlʼacana. ²⁷ Poduucái Cristo bai ivueeyi ʼvaavoitudadami sai ʼlamadu oidacana camaitarsoimaasi ducamicatai. Cristo caaco vuvaitu ʼgai, siʼascada iimia vaavoitudadami tʼvaagiamu camaitiipucamu sioora gʼariar vuupadagi. ²⁸ Poduucái isduucái oigʼadai Suusi Cristo ʼvaavoitudadami poduucái gʼlaagai isoigʼadagi cʼalli gʼanooñiga dai nuucadacagi poduucái isduucái gʼannuucada ʼgai ʼlgi. Ismaacada nuucada gʼlooñiga ducami isʼlgi gʼanuucadacamudai ʼgai. ²⁹ Tiipu sioora ʼlgi gʼcʼladadagi baiyoma gʼanuucada siʼascada biugimuca ʼgai gacuaadana dai siʼascada ʼvamuca ʼgai gʼluucadaiña poduucái isduucái Cristo nuucada ʼvaavoitudadami. ³⁰ ʼgai ʼraaduñda ducami cascada. Dai aatama ʼpa ʼrvaavoitudadami cascada aaduñda garducami Cristo. ³¹ “Cascada cʼalli dadagitoi gʼandʼada dai vʼpanagi ooqui, dai vʼl goocatai ʼramo oodami ganducamicana ʼgai”. ³² Dai poduucái isduucái ʼmo cʼalli ʼlamadu ʼmo ooqui ʼramo oodami ganducami poduucái Cristo ʼlamado ʼvaavoitudadami ʼramo oodami ganducami. Gomaasi

ΛΛquioma maimaatΛcatadai oodami dΛmos sivi gΛnaagidi aanΛ dai gomaasi aliΛsi gΛaagai ismaatΛcagi vΛΛsi vaavoitudadami. ³³ Dai aapimΛ aliΛsi gΛaagai istΛgituagi iscasi gΛnaagidi aanΛ sai vΛΛscatai gΛaagai isoigΛada gΛnooñiga dai nuucadacagi poduucai isduucai gΛnnuucada Λgai Λgi. DaidΛ ooqui gΛaagai issiaa duutuadagi gΛncuucuna.

6 ¹ AapimΛ aali Λgiadavurai gΛndΛΛdΛ vaavoitudaitai Suusi Cristo, poduucai Λgai daidΛ ΛrcΛΛgai. ²⁻³ Diuusi sΛΛlicamigadΛrΛ pocaiti Λmo ñiooqui: “SioorΛ siaa duutuadagi gΛndΛΛdΛ Λgai gia baigaliadamu dai mui uumigi oidacamu Λgai tami oidigi daama”. IdiavΛr ΛpΛgadada sΛΛlicamigadΛ Diuusi ismaacΛdΛcΛdΛ Diuusi aagidi isiduuñia agaitadai Λmo istumaasi Λgai vΛΛtarΛ ismaacΛdΛ ΛΛgidi Λñiooqui.

⁴ Dai aapimΛ ismaacΛdΛ maamara maitavΛr bacoquitudada gΛnmaamara baiyomavΛr cΛΛga nuucadaca dai maacada ñiooqui dai cΛΛgavΛr maamatΛtuldiada vai vaavoitudana Suusi Cristo.

⁵ AapimΛ pipiooñi Λgiadavurai gΛnaamu siaa duutudaitai, dai cΛΛga soicΛda ducami isivuaada Cristo aa duiñdada. ⁶ CΛΛgavΛr gaaata vuaada maisiu mosΛcaasi siuu duucu gΛnnΛijada gΛnaamu ipΛlidity ispotΛiya Λgai masai aliΛ sastudaga baiyoma Cristo pipiooñigadΛ duucai sΛΛlicΛdΛ ivuaadatai istumaasi Diuusi ipΛlidi. ⁷ BaigΛnΛliaracΛdΛ vΛrΛi ivuaada gΛnaa duiñdaga ducami isivuaadamudai aapimΛ Suusi Cristo aa duiñdada maisiu oodami. ⁸ CΛΛ maata aapimΛ isvΛΛscatai tomasi Λrpipiooñi tomasi Λrgaaamu Diuusi maaquimu istumaasi maacai Λgai vaavoitudadami cΛΛga ivuaadatai Λgai.

⁹ Dai aapimΛ gaaamu cΛΛgavΛr nuucadaca gΛnpipiooñiga dai maisoimaasi taatamituldiada. GantΛgitovurai sai Suusi Cristo tΛvaagiana daja dai Λgai gantΛaanΛi vΛΛscatai. Dai Λgai Λmadugan duucai nΛidi vΛΛscatai.

¹⁰ Dadagitovurai aapimΛ sai Suusi Cristo gΛnmaacana gΛgυvucadaga.

¹¹ ΛDiaavora garvuidΛrΛ caata aatΛmΛ vaavoitudadami dai soimaasi garduiñtuldiada Λlidi Λgai. Λgai aliΛ yaatavoga cascΛdΛ gΛaagai isgΛrnuucadacagi vΛΛsi istumaasicΛdΛ ismaascΛdΛ Diuusi gΛrmaacai, vaavoitudaitai Suusi Cristo vai poduucai Λgai maidagituagi isΛDiaavora soimaasi garduiñtuldadagi. ¹² IsmaacΛdΛ garvuidΛrΛ vΛΛtΛ maitΛroodami. Λgai ΛrDiaavora Λmadu tΛtΛaañicarudΛ. Λgai aliΛ soimaasi ivueeyi dai oidi daami ajioopai siaaco gatΛaanΛi Λgai moomoyi dai dudunucami duucai. Λgai tΛaanΛi ismaacΛdΛ maivaavoitudai Diuusi.

¹³ CascΛdΛ gΛaagai isgΛrnuucadacagi vaavoitudacai Suusi Cristo, vai poduucai maitΛrmaita ΛDiaavora siuu duucu soimaasi garduiñtulddada aliada Λgai. Dai ismaidadagituda aatΛmΛ issoimaasi garduiñtulddada ΛDiaavora vΛΛscΛrΛ aliΛsi gΛaagai isapiagΛrnuucadacagi. ¹⁴ AliΛsi gΛaagai isgΛrnuucadacagi vaavoitudaitai Diuusi ñiooquidΛ. Diuusi ñiooquidΛ sΛΛlicΛdΛ Λrvaavoi dai garsoicΛi ismaiΛΛgiadagi ΛDiaavora. Dai aliΛsi gΛaagai iscΛΛ tuutiacagi aatΛmΛ dai cΛΛgacΛrΛ oidacagi.

¹⁵ Aliasi gaaagai isbai garduUCA aatama tomastuigaco isgaaagiadagi Diuusi ñiooquida ismaacada soicai oodami sai ganiibastacan tadacana.

¹⁶ Dai gaaagai iscala ga vaavoitudada Suusi Cristo vai poduucai maisoimaasi garduiñtuldiada Diaavora. ¹⁷ Dai calgacara garvuvaidacai Suusi Cristo poduucai sobicai agai Diaavora vai maisoimaasi garduiñtuldiña. Dai aliasi gaaagai iscala maataca aatama Diuusi ñiooquida. Diuusi ñiooquidacada vaamioma istutuidi aatama isadiaavora. ¹⁸ Vascara gaaagai isdaanada aatama Diuusi isduucatai ipalidi Diuusi Ibaada. Gaaagai ismaiojoada aatama isdaanadagi Diuusi sai soicaiña vasi vaavoitudadami. ¹⁹ Dai daanadavurai aapima Diuusi aana giñvatará ara vai Diuusi giñsoicadagi sai calga gaaagidiña aana maiduaadicuitai Diuusi ñiooquida ismaacada aagai calgacara vuvaidaragai ismaacada lalquioma maimaatatadai oodami. ²⁰ Aana arootosada Suusi Cristo. Agai giñootoi sai gaaagidiña aana isagai arcalgacara vuviadami cascada maisapi aana. Vascara daanadavurai aapima Diuusi sai maiduaadicuitai gaaagidiña aana Diuusi ñiooquida poduucai isduucai gaaagai isivuaada aana.

²¹⁻²² Tiiquico argarduñi vaavoitudadami dai aana alia oigadai. Goovai calga garsoicai Suusi Cristo aa duiñdadara. Cascada ganootosda iñagai aana dai goovai ganaagidamu isduucatai daraaja aatama dai istuma vueeyi aana lamadu aa vaavoitudadami ismaacada giñama daraaja. Dai poduucai baiganliadamu aapima.

²³ Aana ipalidi sai Diuusi garooga lamadu Suusi Cristo gartaanadamiga iibastudacan tadacana vaavoitudadami dai sai agai soicaiña vaavoitudadami iscala ganoigladagi aipacoga vaavoitudaitai Suusi Cristo. ²⁴ Dai sai Diuusi calgacara gannaidiña aapima ismaacada calga siaa duutudai tomastuigaco Suusi Cristo gartaanadamiga.

Mosacaasi.